

## الكلام

الكلام اسهل مافيه انه كلام  
أى حد بقوله من غير اهتمام  
سفرته مليانة خير  
والغلابة يقولهم شدوا الحزام

.....

البلد دي بلدكم انتو خلاص امنا  
والغلابة عايشة فيها منكو منه  
بس خليهم يعيشوا بلاش غباوة  
ليه تخلوها جهنم . هم مش طالبينها جنه

.....

اللى بحلم بس فيها يعدي يومه  
راضى بقليله ولاقى مكان لنومه  
فرحته بلقمة حلال أكبر كتير  
من فرحكم لما بيعتوه هدومه

.....

فلسفة فارغة لناس ولا عمرها حست بجوع  
قد ما كبرت كروشها حبوا احساس الخضوع  
فلسفة فارغة على حساب الجوعه  
اللى عايشين فيها أسرى للعوز... فى بير خنوع

.....

رأيك انت الشخصى ... رأيي تخليهورك  
انت واقف فى السما لو احدك بطولك  
والغلابة تحت رجلك مش شايفهم  
بص تحت شوية وانت بتفصل حلوك.